



KOMUNIKADO PA PRENSA

Fecha

1 oktober 2013

PR Minister VVRP

Nathalie Martina

Email

nathalie.martina@ministervvrp.com

MINISTER EARL BALBORDA A HIBA PALABRA DURANTE E KONGRESO DI “ISLAND INFRASTRUCTURE” KU KPMG A ORGANISÁ NA MIAMI

Willemstad – Minister Balborda a ser invitá pa partisipá i alabes fungi komo un di e oradornan na e kongreso ku KPMG a tene na Miami durante e dianan 23 i 24 di Sèptèmber último. E kongreso tabatin komo tema “ Island Infrastructure”. Minister a ser kompañá pa parlamentarionan Humphrey Davelaar, Charles Cooper i Armin Conquet ku tambe a duna nan kontribushon i partisipá aktivamente na e kongreso.

Minister Balborda a hiba palabra na e okashon aki ku un disertashon ku tabatin komo tema “Successful Public-Private Partnerships: Curaçao’s past, present and future instrument for social and economic development”. Durante di esaki, Minister a konta algu di historia di Kòrsou, na unda Kòrsou ta na e momentunan aki i tambe e la para ketu na e plannan pa futuro di Kòrsou.

E kongreso aki ku KPMG a organisá ta un aktividat grandi kaminda diferente lidernan di sektor priva i sektor gubernamental ta bini huntu pa diskuti riba e topiko ya menshoná. Entre esnan presente tabata tin ministernan i minister presidente den region Caribe, di islanan manera entre otro Virgin Islands, Turks and Caicos Island, Bermuda, Sint Maarten. Tambe tabatin representante di diferente bankonan grandi, diferente otro instanshanan finansiero, desaroyadórnan lokal i internashonal i tambe diverso invershonistanan

E grupo grandi i diverso aki a bini huntu pa interkambiá di ideanan i eksperensiá tokante diferente tema ku tin komo punto di lansa infrastruktura di un isla (“Island Infrastructure”) Algun di e temanan ku a wòrdu trata ta : 1) Inisio di diferente proyekto di Infrastruktura, 2) Investigashon kon un isla por hasi uso di modelonan finansiero alternativo manera PPP (Public Private Partnership) pa yuda desaroyá su ekonomia, 3) Yega nan un desaroyo aselerá di infrastruktura ku ta sirbi pa krese ekonomia di un Isla, 4) Faktornan ku ta hasi proyektonan di Infrastruktura atraktivo pa desaroyadórnan di infrastruktura internashonal, 5) Kon pa krea un struktura nobo i diferente kaminda ku por atraé invershonista nobo

Na final hopi partisipante a remarka ku Kòrsou ta un ehempel den e forma ku mandatarionan huntu tantu di koalishon i oposishon por uni pa sirbi Kòrsou mihó i pa di es forma aki e Isla por bai dilanti. Pueblo di Kòrsou por sigui tur último desaroyonan di Minister Balborda di Tráfiko, Transporte i Planifikashon Urbano via di su página di Facebook ‘Earl W. Balborda, Minister VVRP’.